



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA

*o radno pravnom statusu zamjenice predsjedavajućeg
Gradskog vijeća Grada Sarajeva
(prijedlog)*

*Predlagač:
Administrativna komisija*

*Obrađivač:
Stručna služba za poslove Gradskog vijeća*

Sarajevo, maj 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Na osnovu člana 31. stav (1) tačka b) i člana 33. stav (3) Statuta Grada Sarajeva („Službene novine Kantona Sarajevo“, broj 7/23), a u vezi sa članom 10. stav (3) Odluke o platama i naknadama u organima Grada Sarajeva („Službene novine Kantona Sarajevo“, broj 4/23), Gradsko vijeće Grada Sarajeva, na __ sjednici održanoj dana __.__.2023. godine, donijelo je

(prijedlog)

ODLUKU

o radno pravnom statusu zamjenice predsjedavajućeg Gradskog vijeća Grada Sarajeva

Član 1.

Mirela Džehverović, zamjenica predsjedavajućeg Gradskog vijeća Grada Sarajeva, do isteka mandata, dužnost zamjenice predsjedavajućeg Gradskog vijeća Grada Sarajeva će obavljati volonterski i neće ostvarivati prava iz radnog odnosa u Gradu Sarajeva u funkciji zamjenice predsjedavajućeg Gradskog vijeća Grada Sarajeva.

Član 2.

Rješenje o prestanku radnog odnosa za Mirelu Džehverović, zamjenicu predsjedavajućeg Gradskog vijeća Grada Sarajeva će donijeti Administrativna komisija Gradskog vijeća Grada Sarajeva po zahtjevu imenovane u kome će biti naveden tačan datum prestanka radnog odnosa.

Član 3.

Danom prestanka radnog odnosa iz Rješenja Administrativne komisije iz člana 2. ove odluke, prestaje da važi Odluka o radno pravnom statusu zamjenice predsjedavajućeg Gradskog vijeća Grada Sarajeva („Službene novine Kantona Sarajevo“, broj 22/21).

Član 4.

Ova odluka stupa na snagu danom donošenja, a primjenjivat će se od dana prestanka važenja Odluke o radno pravnom statusu zamjenice predsjedavajućeg Gradskog vijeća Grada Sarajeva („Službene novine Kantona Sarajevo“, broj 22/21).

Član 5.

Ova odluka će se objaviti u “Službenim novinama Kantona Sarajevo”.

PREDSJEDAVALJUĆI GRADSKOG VIJEĆA

Jasmin Ademović

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje i članu 33. stav (3) Statuta Grada Sarajeva kojim je propisano da predsjedavajući svoju dužnost obavlja profesionalno, a zamjenici predsjedavajućeg svoju dužnost obavljaju volonterski, osim ako Gradsko vijeće ne odluči drugačije. Pravni osnov sadržan je i u članu 10. stav (3) Odluke o platama i naknadama u organima Grada Sarajeva („Službene novine Kantona Sarajevo“, broj 4/23) kojim je propisano da rješenje o zasnivanju radnog odnosa predsjedavajućeg Gradskog vijeća i zamjenika predsjedavajućeg Gradskog vijeća donosi Administrativna komisija Gradskog vijeća, na osnovu odluke Gradskog vijeća o njihovom radno-pravnom statusu, koju Gradsko vijeće donosi na prijedlog Administrativne komisije.

RAZLOG ZA DONOŠENJE

Odlukom o izboru zamjenice predsjedavajućeg Gradskog vijeća Grada Sarajeva („Službene novine Kantona Sarajevo“, broj 15/21), Mirela Džehverović je izabrana za zamjenicu predsjedavajućeg Gradskog vijeća Grada Sarajeva.

Gradsko vijeće Grada Sarajeva je na Prvoj sjednici održanoj dana 26.05.2021. godine donijelo Odluku o radno pravnom statusu zamjenice predsjedavajućeg Gradskog vijeća Grada Sarajeva („Službene novine Kantona Sarajevo“, broj 22/21) kojom je u članu 1. propisano da će Mirela Džehverović, zamjenica predsjedavajućeg Gradskog vijeća Grada Sarajeva, za vrijeme trajanja mandata, ostvarivati prava iz radnog odnosa u Gradu Sarajevu, te da će svoju dužnost obavljati profesionalno, sa nepunim radnim vremenom, u trajanju od četiri radna sata, u toku radnog dana.

Obzirom da je Mirela Džehverović uputila Obavijest broj: 01-GV-04-815/23 od 29.05.2023. godine u kojoj se izjasnila da će dužnost zamjenice predsjedavajućeg Gradskog vijeća obavljati, ubuduće, volonterski, s tim što će tačan datum o prestanku radnog odnosa podnijeti Administrativnoj komisiji, Administrativna komisija je utvrdila Prijedlog Odluke i uputila ga Gradskom vijeću na razmatranje.

RJEŠENJA IZ PREDLOŽENE ODLUKE

U članu 1. ove odluke utvrđuje se radno pravni status zamjenice predsjedavajućeg Gradskog vijeća Grada Sarajeva, u članu 2. se propisuje da Administrativna komisija Gradskog vijeća Grada Sarajeva donosi Rješenje o prestanku radnog odnosa za Mirelu Džehverović, zamjenicu predsjedavajućeg Gradskog vijeća, u članu 3. se propisuje prestavak važenja Odluke o radno pravnom statusu zamjenice predsjedavajućeg Gradskog vijeća Grada Sarajeva („Službene novine Kantona Sarajevo“, broj 22/21), u članu 4. propisuje se stupanje na snagu i primjena ove odluke dok se u članu 5. propisuje da će odluka biti objavljena u “Službenim novinama Kantona Sarajevo”.

SREDSTVA ZA PROVOĐENJE ODLUKE

Za realizaciju ove odluke nisu potrebna sredstva u Budžetu Grada Sarajeva.